



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

Dominica infra Octauam Ascensionis.

[urn:nbn:de:hbz:466:1-60091](https://nbn-resolving.org/urn:nbn:de:hbz:466:1-60091)

Iesus introiuit exemplaria verorum, sed in ipsum caelum, ut appareat nunc vultus Dei pro nobis. Et: Aduocatum habemus apud
 x. Ioan. 2. *Patrem, Iesum Christum, iustum, & ipse est propitiatio pro peccatis nostris? Congratulatio, gratitudo, fiducia, zelus perfectè seruiendi tam liberali remuneratori.*

I. **Dominica infra Octauam Ascensionis. Ioan 15. & 16.**

I. **C**um venerit Paracletus Spiritus veritatis, qui à Patre procedit, ille testimonium perhibebit de me, & vos testimonium perhibebitis, quia ab initio mecum estis. Quam luculentum Spiritus sanctus Christo perhibuit testimonium, illuminando discipulorum, aliorumq; fidelium intellectum, & purgando, inflammando, confirmandoq; affectum, ut veritates à Christo reuelatas constanter crederent, & ad mortem vsque propugnarent, & doctrinae Evangelicæ in omni perfectione sectandâ, vitam moresque suos conformarent! Simili modo Apostolici viri Christo perhibuere testimonium hæc eadem ipsis à Spiritu sancto inspirata, alijs ver-

verbo & exemplo inculcando. Hos imitare in zelo gloriæ Christi, & salutis animarum propagandæ.

II. *Hæc locutus sum vobis, ut non scandalizemini, absque synagogis facient vos.*

Quam sollicitè Christus suos de instantibus persecutionum procellis toties præmonet, ex incenso maioris eorum sanctitatis, gratiæ & gloriæ desiderio; ut sic à scandalo & lapsu præservarentur, & simul ad ardua quæque pro gloria Dei subeunda animarentur. Amor crucis, & martyrij desiderium.

III. *Sed venit hora, ut omnis, qui interficit vos, arbitretur obsequium se præstare Deo.*

Idem vehementius ijs inculcat, prædicando eorum persecutores tam cæcos fore & impios, ut in persecutione piorum se arbitraturi sint Deo præstare obsequium; ne turbarentur videntes tantam suorum persecutorum insaniam & crudelitatem; nec mirarentur hæc permitti à diuina providentia, quæ ex pessima reproborum voluntate nouit elicere maximum bonum, ad maiorem suam, electorumq; gloriam. Admiratio & veneratio diuinorum iudiciorum, resignatio ad omnia, quæ Deus immittit, vel permittit.

II. *De immensa magnitudine gloria anime Christi Domini.*

I. **E**Xpende, quàm immensa, sublimis, & incomprehensibilis sit gloria, qua beatissima Christi Domini anima ab initio conceptionis frui cœpit in hac vitâ, æternumque fruetur in alterâ; quæ omnes perfectiones & prærogativas gloriæ essentialis, & accidentalis, omnibus & singulis beatis, hominibus & Angelis collatas, porroque conferendas eminentissimè in se complectitur, longissimeque supergreditur, tanto interuallo, quanto par est, præeminere in omnibus Filium Dei naturalem, filijs adoptiuis.

Isa. 64. Si ergò *oculus non vidit, Deus absque te, que præparasti expectanti te,* cuius etiã minimo Electorum; quæ primogenito Electorum præparâris, quis inuestigabit? quàm incomparabilis illa eius beatifica visio, quâ Deum, & in Deo videt omnia præterita, præsentia, futura supereminentissime! qualis ille amor beatificus, illud gaudium tali visioni correspondens? quàm supereminentes reliquæ accidentales gloriæ, tam immensæ eius gratiæ, & divinissimis virtutibus proportionatæ?
si præ-

si proinde æquum est cuius Sancto-
rum de adepta gloria congratulari, di-
uineque liberalitati pro ea collata gra-
tias & debitas laudes persolvere: quan-
to æquius est, id præstare, pro tam in-
comparabili gloria Sanctissimæ animæ
Saluatoris nostri collata? Congratu-
latio, gratiarum actio, & glorificatio
diuinæ Maiestatis.

II. Quanto stupore & gaudio omnes
Angelici spiritus, & cœtus iustorum
hanc tam ineffabilem gloriam glorio-
sissimæ animæ Christi suspexerint, ful-
gore eius perstricti profundissimè se
humiliarint, illi de tanta supereminē-
tia gloriæ congratulati sint, diuinæq;
maiestatis liberalitatem tantam lau-
darint, & glorificarint, idemque nunc
continuent & continuaturi sint, cum
saluandis omnibus, in omnem æterni-
tatē, idque eò intensius, 1. Quò cla-
rius sublimitatem gloriæ eius agnos-
cunt. 2. Quò ardentius Salvatorem
suum, sic glorificatum, amant. 3. Quò
maius gaudium ex beatitudine eius
percipiunt. 4. Quò zelosius Deum in-
finitè liberalem omni modo à se, om-
nibusque glorificari cupiunt. Affectus
ferè ijdem renouandi.

Bb 2

III. Quan-

III. Quanto humilitatis, gratitudinis, exultationis excessu Christus ipse, tantam gloriæ sibi collatæ supereminentiam sic à totâ cœlesti curia suspici extolliq; conspiciens, vt in vitâ mortali consueuerat, æterno Patri omnes sibi communicatas gratiæ & gloriæ prerogatiuas acceptas referat, illum auctorem omnium grato animo recognoscat, laudet, amet, & glorificet; simulq; ab omnibus sic eundem agnosci, laudari, amari & glorificari exoptet: idque eò eminentius, quò perfectius magnitudinem gloriæ suæ & diuinę liberalitatis erga se perspicit: quò tenerius, & diuinius Patrem amat, & zelosius eius honorem propagari desiderat. Zelus imitandi Christum in humilitate, gratitudine, amore & zelo gloriæ Dei in hac vita, vt continuare feliciter eisdem affectus merearis in futura.

III. *De immensa magnitudine beatitudinis gloriosi corporis Christi Domini.*

I. **E**Xpende, quàm immensa, sublimis & ineffabilis sit gloria & beatitudo glorificati corporis Christi, quàm omnes gloriosorum corporum, omnium vnquam glorificandorum dotes, cla-

claritatem, imparibilitatem, subtilitatem, agilitatem, omnia omnium & singulorum sensuum liquidissima gaudia in excellentissimo gradu in se comprehendit, longissimeq; excedit. Supereminentia porro huius gloriæ, 1. inde potest æstimari, quod cū Christus sit verus Filius Dei, & corpus eius hypostaticè vnitum sit verbo diuino, talis ac tanta eius fuerit gloria, quæ deceret Vnigenitum Patris, iuxta illud: *Vidimus gloriam eius, gloriam quasi* Ioan. 1. *vnigeniti à Patre.* quam dignum ergo, ut ipse sit in omnibus, *primatum tenens?* Coloss. 1. 2. Colligi potest ex infinitate meritorum Christi, quæ fuere per omnia infinita, 1. ratione suppositi, seu personæ infinitæ operantis, 2. ratione infinitæ gratiæ, in esse gratiæ, quæ erat in Christo. 3. ratione supereminentissimorum operum, quæ pro gloria Patris fecit, iuxta illud: *Ego, quæ placita sunt ei,* Ioan. 8. *facio semper.* Et si enim non omnia fecit, nec passus est re ipsa, quæ pro gloria Dei fieri & tolerari possent; voluntate tamen efficaci Patri se obtulit ad omnia faciendâ & patiendâ, si ita ei placeret, quæ omnes in æternum facere & pati possent.

Quam immensum ergo debebatur

B b 3

præ.

præmium, gloria videlicet corporis (cùm gloriam animæ gratis acceptam nō decuerit eum mereri) quæ proinde tanta erit, vt omnem superet mensuram. 3. Ex infinito amore Patris erga Filium sibi obedientem factum vsque ad mortem. Si enim inimici ex odio diuinum filij corpus tam atrociter excruciarunt, quàm eminenter illud Pater glorificarit, præsertim cum odientium vires essent finitæ, amantis infinitæ? Congratulatio, gratiarum actio, zelus multa ardua faciendi & pariendi pro Christo, vt eum gloriosum olim intueri merearis.

II. Quàm admirabundi hanc tantam corporis eius gloriam Angelici spiritus & iustorum cœtus suspexerint, æternumque suspiciant, maximè post generalem resurrectionem omnes saluandi, non solum illuminatis beatificatæ mentis, sed etiàm glorificati corporis oculis? quàm exultabundi de tanta eius pulchritudine Christo regi suo congratulati fuerint, æternumque gratulentur, conspicati totam cœlestem Ierusalem mirificè claritate eius illuminari, iuxta illud: *Et ciuitas non eget sole, neque luna, vt luceant in ea, nam claritas Dei illuminauit eam, & lucer-*

Apoc. 21.

na eius est agnus? Quanto tripudio ad diuinas laudes concinendas se inuicem excitarint, excitentque æternum: *Apoc. 19.*
Laudem dicite Deo nostro omnes serui eius, pusilli & magni Alleluia. Quoniã regnauit Dominus Deus noster, omnipotens, gaudeamus & exultemus, & demus gloriam ei; quia uenerunt nuptia agni? Quid non faciendum & ferendum tibi foret pro gloria Christi, ut merearis his lætantium choris æternum sociari? Affectus ijdem ferè renouandi.

III. Quanta humilitate, reuerentiã, gratitudine, amore, zelo diuinæ gloriæ. Christus ipse hanc tantã corporis sui claritatem æternum intuens, æterno Patri æternas referat gratias, ipsi eam acceptam ferendo, ipsum, ceu fontem omnium charismatum, magnificando, & ab omnibus magnificari cupiendo. Zelus in his affectibus humilitatis, gratitudinis, amoris, zeli Christum æmulandi in tempore, ut cum illo continuare eosdem merearis in æternitate.

IV. *De gaudio SS. humanitatis Christi, ex
participatione gloria aliorum
Beatorum.*

I. **E**Xpende, quàm ineffabile gaudium Christus perceperit, æternumque percepturus sit, ex tanta gloria, tot, non solum beatorum Spirituum, sed etiam, & quidem maximè, tot hominum, corpore & animâ ynquam glorificandorum, & quidem tantò eminentius præ ceteris Beatis, 1. Quò clarius omnes & singulos singulorum Beatorum, tam essentialis quam accidentalis gloriæ gradus pervidet. 2. Quò tenerius singulos amat, 3. Quò magis singulorum, maximè hominum, tanto pretio à se redemptorum gloria ad ipsum pertinet, cum eam singulis, cum omnibus medijs ad illam consequendam requisitis, promeruerit. Si ergò singuli Beati ex aliorum gloria magnum hauriant gaudium, quam immensum hauriet Auctor gloriæ singulorum Christus? Congratulatio, zelus eximie perfectionis ad augendum gaudium Christi, quod percipit ex sublimiore gloria cuiusque Sancti.

II. Quam immensum sit eiusdem Christi Domini gaudium de gloria ex tot, tam-

ramque diuersis omnium & singulorū
Beatorum & beatificandorum tam ef-
fentialis, quam accidentalis beatitudi-
nis brauijs in æternum Patrem redun-
dante: cum ex ijs omnibus infinita
eius potentia, sapientia, bonitas, mi-
sericordia, liberalitas, charitas, aliæq;
perfectiones clarissimè resplendeant,
totamque curiam cælestem in admi-
rationem, amorem, laudationemque
eius validissimè rapiant. Tantò por-
rò hoc gaudium eius est, æternumq;
erit maius, 1. Quò euidentius Patrem
infinito honore, amoreque dignissi-
mum esse cognoscit. Quò intensius
illum, utpotè infinitè amabilem dili-
git. 3. Quò zelosius eundem ab om-
nibus agnosci, suspici, amari & glori-
ficari expetit.

Quam iure igitur tibi ad laborandū
erit, ut hoc sanctissimum Christi Do-
mini gaudium assiduo studio eximia
perfectionis propriæ alienæque pro-
mouendæ adaugeas, zelumque diuini
honoris & amoris in dies magis in-
tendas; quem æternum te cum Chri-
sto continuaturum speras? Gaudium
de omnimoda glorificatione Dei, ze-
lus diuini honoris, & eximia perfe-
ctionis.

IIII. Quanto tandem inæstimabilius sit gaudium, quod Christus, quâ homo, percipit, æternumque percipiet ex infinita diuinæ Maieſtatis & incomprehenſibili beatitudine, quâ ſeipſum pleniffimè comprehendit, beatiffimè diligit, diuiniffimè ſeipſo fruens & nullius indigens æternum conqueſcit, idq; ferè ob prædictas cauſas: 1. Quod præ omnibus beatis longè intimius hanc infinitam Dei beatitatem penetret. 2. Quod longè eminentius ipſum & omne eius bonum amet. 3. Quod longè excellentiori modo, præ ceteris, eandem beatitudinem participet. Gaudium de hoc tanto gaudio Chriſti, & infinita beatitate Dei, amor eiufdem cum ſpe ſimilis gaudij participandi.

De gloriâ animæ cuiuſque Electi.

V. I. **E**Xpende, 1. Quàm immenſa ſit beatitudo animæ diligenti Deū promiſſa, quoad omnem dimenſionem. Nam 1. Quoad latitudinem, extendit ſe ad omnia genera malorum, miſeriarum & pœnarum damni & ſenſus, quibus carèt: & ad omnia genera bonorum, diuitiarum, deliciarum & honorum quibus abundat: ad omnes
animæ

animæ potentias, quas ineffabili gaudio demulcet: memoriam iucundissima tam mirarum viarum, quibus ad gloriam peruenit, ruminacione; intellectum clara tot mirabilium eius visione; voluntatem beatifico summi boni amore & fruitione. 2. Quoad sublimitatem, complectitur in se liberationem absolutissimam ab omni non solum incurfu, sed etiam ab omni metu quorumcunq; malorum, & possessionem perfectissimam quorumcunq; verorum bonorum, imò boni infiniti, omnia bona eminentissimè in se continentis, seu fontis omnium bonorū, & quidem modo eminentissimo, per participationem visionis amoris & gaudij beatifici ipsius Dei infinitè beati. 3. Quoad longitudinem, æternam includit, continuam, securamq; prædictæ ipsius Dei beatitudinis participatam fruitionem. 4. Quoad profunditatem, seu incomprehensibilitatem, transcendit longè omnem in hac mortalivira intellectus captum, iuxta illud Apostoli: *Oculus non vidit, nec auris audiuit, nec in cor ascenderunt hominis* I. Cor. 2. *qua preparavit Deus diligentibus se.*

Quis ergò non libenter captiuus in-

tellectum in obsequium fidei, & reue-
 reatur in hac vitâ abyſſum iudiciorum
 Dei, ſi verè ſperat intellectum ſuum
 per lumen glorię in altera euehendum
 ad claram beatificamque intuitionem
 SS. Trinitatis, diuinorum attributo-
 rum, ſecretorum myſteriorum fidei:
 præſertim myſterij Incarnati Verbi, &
 mirabilium eius perfectionum, prære-
 gatiuarum, geſtorum, item abſcondi-
 torum iudiciorum, decretorum, ope-
 rum, permiſſionum Dei? Quis abnuat
 ſuam hîc abnegare, diuinoque in om-
 nibus beneplacito conformare volun-
 tatem, quam iſtic per amorem & frui-
 tionem beatificam ſperat inebriandam
 ab vbertate domus Dei, & torrente
 voluptatis eius potandam, ſicq; ſubli-
 mandam, vt cum ineffabili ſatietate,
 abſque ſaſtidio; cum ſumma liberta-
 te, abſque peccandi periculo; cum in-
 æſtimabili ſuauiſſimate, abſque vlla relu-
 ctantia, idem cum Deo velit, idem no-
 lit æternum? Quis memoriã ſuã à
 vanis abſtrahere, atque ad diuina ru-
 minanda ſeriò applicare renuat. quam
 ſimiliter confidit mirificis gaudijs æ-
 ternum perfundendam ob iugem bo-
 norum naturæ, gratiæ & gloriæ ſibi
 collatorum, & malorum à ſe auerſo-
 rum

rum recordationem? His expensis excitandus amor Dei tantā gloriam promittentis, spes, & zelus potentijs animæ sic olim glorificandis. sanctè vten-
di modo insinuato.

II. Quantum sit futurum inter gloriam tam essentialem, quàm accidentalem beatarum animarum discrimen. Nam quò quisque Electorum hinc fuerit conformior Christo primogenito & prototypo Electorum in sanctificante gratia, alijsq; virtutibus ac prærogatiuis, per strenuam cooperationē cum diuina gratia acquisitis, auctisq;, quibus peculiare aureolæ sunt promissæ: eò quoque istic erit eidem conformior in essentiali gloria, alijsq; gloriæ accidentalis prærogatiuis. Quā quisq; tunc optaret maiorem se in augendi gratia & gloria tempore merendi adhibuisse conatum! quàm dole-
ret, si beatus ille status id ferret, se tanta in re fuisse negligentem! Zelus eximie proficiendi in spiritu, & plura semper faciendi & patiendi pro amore Dei tam liberalis in meritis etiam minimis remunerandis.

III. Quàm inenarrabili admirationis, humilitatis, gratitudinis, amoris affectus cuiusuis Electi anima in pri-

mo beatificationis suę momento, quasi è graui somno euigilans, & insolitę lucis & glorię nouitatē obstupescens, erumpet in excessus laudis, gratiarum actionis, insultationis, incipiens ex tunc cum Beatis reliquis misericordias Domini æternum cantare, & quidem eò affectuosius, quò se euectam cernit sublimius. Quisquis beatè hos excessus continuare cupis in patria, caue ne omittas eosdem quantumuis laboriosè frequentare in via. Zelus proficendi in intima humilitate, gratitudine, amore, & filiali reuerentia etga Deum.

VI.

De gloria corporis cuiusque Beati.

I. **E**Xpende simili discursu magnitudinem beatitudinis cuiusque Electi glorificando corpori promissę. Quã latè se extendat ad omnes gloriosorum corporum dotes, & liquidissimas omnium sensuum oblectationes: Primùm enim cuiusque Electi corpori glorioso communicabuntur hæ quatuor dotes: eximia claritas, cum admiranda tam interna, quàm externa pulchritudine: *Iustitiam fulgebunt sicut sol*, & habebunt corpus pellucidum, in quo appareat mira omnium ossium, venarum, neruorum

har-

Matt. 13.

harmonia : Imparibilitas, *Non enim e-* Apoc. 2.
surient, neque sitient amplius, neque cadet
super illos Sol, neque ullus aestus, nec vlla
vis illis aut molestia poterit inferri: A-
gilitas, ita enim anima corpori domi-
nabitur, vt celerrimè quocunq; volet,
sine vlla repugnantia illud transferat:
Sicut scintilla in arundineto discurrent: Sap. 5.
 Subtilitas demum seu immunitas à ne-
 cessitatibus vitæ vegetatiuæ, & facul-
 tas quoduis corpus absque vlllo impe-
 dimento penetrandi. *Nam erunt sicut* Matt. 22.
Angeli Dei.

Deinde omnibus & singulis sensi-
 bus corporis gløriosi peculiare con-
 cedentur oblectationes, quas perci-
 pient ex proportionatis sibi obiectis:
Visus ex aspectu tot glørificatorũ cor-
 porum, maximè Christi Domini &
 B. V. Matris: *Auditus* ex concentu tot
 beatorum hominum & Angelorum:
Odoratus ex suauissimo gløriosorũ cor-
 porum, maximè Christi & B. Virginis
 odore: *Gustatus* ex ineffabili satietate
 absque cibo & potu, & perenni suau-
 tate absque fame & fastidio: *Tactus* per
 totum corpus diffusus, ex conuenien-
 tissima sibi cœlestis Paradisi temperie.
 2. Quàm sublimis sit hæc eadem cor-
 poris gloria, & profunda simul, seu
 incom-

Iſa. 64.

incomprehenſibilibus, ob tam eximias
dotes, & ſublimes ſenſuum oblecta-
tiones illi communicandas, quibus om-
nis huius mundi gloria, ornatus,
magnificentia, deliciae compositae nul-
lam penè habent comparationem, nec
proinde poſſunt in hac vita apprehen-
di, ita, ut & de illis merito intelligen-
dum ſit illud: *A ſaculo non audierunt,
neque auribus perceperunt, oculis non vi-
dit, Deus, abſque te, qua præparaſti expe-
ctanti te.* 3. Quàm longa ſit, quàm ſta-
bilis, immutabilis, perdurans in æter-
num abſque vlllo timore eam amit-
tendi.

Quis hæc expendens in amorè tam
liberalis remuneratoris non rapiatur,
& ad mortificandam carnem cum cõ-
cupiſcentijs ſuis non accendatur? A-
mor, gratitudo, zelus continuæ mor-
tificationis.

I. Cor. 15.

II. Quantum quoque ſit futurum in-
ter gloriam corporum diſcrimè, iuxta
illud Apoſtoli: *Alia eſt claritas Solis, a-
lia claritas Lune, & alia claritas Stella-
rum: Stella enim à Stella differt in clari-
tate: ſic & reſurrectio mortuorum.* Quo-
enim quiſque in corpore ſuo, cum ſen-
ſibus & concupiſcentijs mortificando,
ſpiritui ſubiugando, ſanctèque divi-

no

no obsequio impendendo fuerit Chri-
sto conformior in hac vita; eò quoq;
erit eidem in corporis gloria, omni-
umque sensuum delicijs similior in al-
tera. Zelus Christum imitandi in san-
cto vsu, & continua mortificatione
sensuum.

III. In quos affectus admirationis,
humilitatis, gratitudinis, amoris eru-
pturus sit quisq; Electus in primo in-
stanti glorificationis sui corporis, æ-
ternum deinceps eosdem continuatu-
rus: & quidem eò feruentius, quò
maiori se gloriâ circumdatum obtu-
pescet. quo cordis tripudio & mentis
excessu inter 24. illos Seniores, quos
vidit Ioannes procidentes ante seden-
tem in throno, & mittentes coronas
suas ante thronum, & ipse prostratus
exclamabit: *Dignus es Domine Deus no-*

Apoc. 4.

ster accipere gloriam, & honorem, & vir-
tutem: quia tu creasti omnia, & propter

voluntatem tuam erant, & creata sunt?
Zelus mortificationem Iesu semper in
corpore circumferendi, & hos prædi-

ctos affectus, quos desideras istic
æternum continuare, hic

feruenter incho-

andi.

De

VII. De gaudio quod percipiet quisq; Electus
ex gloria aliorum Beatorum, B. V.
Christi Domini, ipsius Dei.

I. **E**Xpende quàm ingens gaudium
percepturus sit quiuis Beatorum,
de tanta tot aliorum beatorum homi-
num & Angelorum beatitudine, ob
mutuam inter ipsos perfectissimam
charitatem, quæ omnia bona gloriæ
facit omnibus & singulis communia,
iuxta hunc pijssimum Augustini dis-
cursum: *Si quis alius, quem omninò sicut
teipsum amares, eandem beatitudinem te-
cum haberet, duplicaretur gaudium tuum:
quia non minus gauderes pro eo, quàm pro
teipso. Si verò duo vel tres, vel multò plu-
res idipsum habent, tantundem pro singulis,
quantum pro teipso gauderes, si singulos sic
ut teipsum amares. Ergo quid erit in illa
perfecta charitate innumerabilium Ange-
lorum & hominum, ubi nullus diligit a-
lium minus, quàm seipsum. non enim ali-
ter gaudebit unusquisque pro singulis alijs,
quàm pro seipso. Quantum ergo erit
gaudium, quod quisq; Beatorum ca-
piet non tantum ex pari, sed etiam ex
multo maiori innumerorum Angelo-
rum, Archangelorum, Principatum,*
Po-

Manual.
s. 35.

Potestatum, Virtutum, Dominatio-
num, Thronorum, Cherubim & Sera-
phim, Confessorum, Virginum, Iu-
storum omnium tam essentiali quam
accidentali gloria? Si ergo cor hominis *D. Bern.*
de tanto bono suo vix gaudium suum ca- *Serm. 4.*
piet, quomodo capax erit tot & tantorum *de Ascens.*
gaudiorum? Quid concupiscere poterit in
saeculo nequam, cuius oculus semper videt
bona Domini in terra viventium, semper
videt aeterna premia, insuper participat
innumera omnium Beatorum gaudia?
Admiratio & glorificatio diuinæ libe-
ralitatis, & mutuae Beatorum charita-
tis, zelus liberalem se erga Deum in
studio eximiae perfectionis exhiben-
di, & Beatorum mutuam charitatem
æmulandi.

II. Expende, quanto porro maius
gaudium percepturus sit quiuis Electus
ex tam eminente B. V. Deiparæ tā ani-
mæ, quam corporis gloria, quæ tanto
intervallo aliorum Beatorum omnium,
quantumuis eximiam, gloriam tran-
scendit, præsertim cum illam tantò
magis quam seipsum diligat, quanto
maiore amore eam dignissimam agno-
scit. At quanto tandem eminentius
gaudium habiturus fit de immensa
SS. Humanitatis Christi Domini no-
stri,

stri,

stri, tam animæ, quàm corporis gloria, quæ non solum aliorum Beatorum omnium, sed etiam ipsius beatissimæ Matris infinitis penè excedit parasangis, præsertim cum tanto sublimiore feratur in eum amore, quò sublimiorem eius super omnes puras creaturas agnoscit excellentiam

Quanto zelo peculiariter Iesum & Mariam amandi, glorificandi, imitandi flagrare deberes, vt beatissimo eorum consortio, & tanto gaudio eorum gloria in te redundaturo æternum frui posses? An non crebrius corde & ore exclamandum cum pio Alphonso Rodericio: *Iesus & Maria, dulces amores mei, patiar ego amore vestro, totus sum vester, nullus meus?*

III. Quanto demum sublimius gaudium habiturus sit quiuis Electus de infinita & incomprehensibili gloria ipsius SS. Trinitatis, quæ eminentissimè omnium Beatorum felicitatem in se continet, omnemque etiam possibilem infinitorum Beatorum gloriam, quantumuis infinite intensam, & extensam, infinite excedit, vt potè, cum omnis illa creaturarum gloria ex se finita, accidentalis, defectibilis sit: Dei verò gloria infinita, essentialis, indefecti-

fectibilis. Et quidem tanto diuinius & ineffabilius erit illud gaudium cuiusque Beati, quanto amplius & sublimius Creatorem infinite amabilem, præ omnibus creaturis, quantumuis amabilibus, diliget. Vnde rectè D. Augustinus: *Quoniam quantum unusquisque diligit aliquem, tantum de bono eius gaudet. Sicut in illa beata ciuitate unusquisque sine comparatione plus amabit Deum, quam se & omnes alios secum: na plus gaudebit absque estimatione, de felicitate Dei, quam de sua & omnium aliorum secum. Et si Deum sic diligent toto corde, tota mente, tota anima, ut tamen totum cor, tota mens, tota anima non sufficiant dignitati dilectionis: profectò sic gaudebunt toto corde, tota mente, tota anima, & tamen totum cor, tota mens, tota anima non sufficiant plenitudini gaudij. Quam purè, ardentè, constanter, insatiabiliter iure esset Deus à nobis diligendus & glorificandus sine mensurâ in tempore, cum tam inestimabile gaudium ex infinita eius felicitate nos percepturos speremus in æternitate! Zelus honoris & amoris Dei in se alijsque promouendi, & beneplaciti eius amplectendi & exsequendi.*

(. .)

Do-